


A Monthly Christian Magazine

AN ORGAN OF THE ZOU PRESBYTERIAN CHURCH SYNOD

Khristian Tangkou

Vol. 55 || No. 07

July, 2019



Editor: Rev. Stephen Chinzathang

Synod Kumpuon:

"Kipah kawm a Mangpa nasem" (Late 100:2)

Khristian Tangkou

Vol. No. 55 || Issue No. 07 || July, 2019

Editorial Board

Editor : Rev. Stephen Chinzathang - 9863042789
ct_stephen@yahoo.com

Joint Editor : Rev. Khamchinkhai - 8730933744

Cir. Manager : Upa Jamsianmung - 9862086615
sianmung@rediffmail.com

Bus. Manager : Upa Kamgenpau - 8974612937
Shie T. Ginzahau - 8974438842

Cont. Editors : Upa Khupsuankham - 9856406454
Rev. Awnkhankhup - 9862828921
Rev. Dr. Hangpi Maunlun - 9862910875
Rev. Kaimuanlal - 9862923960

ZOU SYNOD ULIENTE

- **Moderator:**
Rev. Hangpi Manlun
- **Moderator Elect:**
Rev. Zamlianpau
- **Secretary (Sr):**
Upa M. Liensuonkap
- **Secretary (Jr):**
Upa Kapkhanthang
- **Treasurer:**
Upa Chinsuanthang
- **Statistician:**
Upa T. Langkhanmang
- **Executive Secretaries:**
Rev. Stephen Chinzathang
Rev. Khamchinkhai

A sung thu

- Editorial..... 01
- Thu tuomtuom & Thumpi ding..... 04
- I gam ua ding a poimaw vawt..... 06
- Aman ei sangin sil hoi theizaw 13
- Hundam kitheichetna..... 15
- Kum tha i mu zel a..... 16
- Ahun hun a ga zel 18
- Pilna kichi bang adiei? 20
- ZPWF Column 24

Copies - 1200

AMAN

Kumkhat ah	- ₹	100.00
Post ah	- ₹	200.00
Copy khat ah	- ₹	10.00
Life Member Fee	- ₹	1,000.00
Patron Member Fee	- ₹	2,000.00
Memorial gift	- ₹	2,000.00

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.



SEP DING ATAM ZUIDAN/PAIDING DAN MU THEI TAM LOU

(Vision umlou)

Khristian Tangkou simtute na bawn un Mangpa Jesu Khrist Hundampa min in chibai hoitah ka hing buh hi. Tulai khawvel Pasian Biehna leh ginna lam ahitah in zong Politics leh khovel Hun umdan te i et leh lungzin ahuoi ta mama hi.

(I John 2:18): Ta ittahte aw hun nukhia ahita, Khrist doudalpa ahing pei ding chi na zah taah uh bang in tuin zong Khrist doudal mi tampi tah aumta hi. Tamte ziehin tukhu hun nukhia ahita chi i thei hi.

(Daniel 8:19): Tualeh aman, en un lungthahna hun nukhia lam chieng a sil hing um ding kahing theisah ding hi aziehpen hun tawpna ding hun guot ahi ding hi.

(Daniel 8:23): Tualeh aleenggam uh hun nukhia lamchiengin ta khielte aphahtawp uh ahing tunchiengun; leengpa mel ginhuoitah leh thugilou bawldante theisiem khat ahing khangdoh ding hi.

(I Timothy 4:1): Hun nukhia lam chiengin mi pawlkhatten puimangna hagaute leh dawite thuhilna ngaisah in ginna ataisanding uh chi Hagau in chientah in agen hi.

(Juda 1:18): Hun nukhia chiengin Pasian ngaisahlouna lam a ama uh utna banga um, mi simmaw hatte ahing um ding uh” ana chi uhi.

Tamna thupi in agennop ahileh nang hei lam ah na Pasian toh kizopna dinmun a na um ei chi kahing theisah utdan ahi.

- = Pasian hing toh kizopna nei
- = Pasian a pienthahna nei
- = Pasian thu zui a Pasian zatat tah a sepna leh neh holna a um
- = Gingtu kichi Pasian a hinna neilou chi adangdang tamtah zong gen ut a um ding hi.

Tua ahilou in tulai Christian khawvel ah en talei Pasian nasem a kitam nai, tulai khawvel a Pasian hing leh siengthou tah a bia atam nai chite lungsim a liente ahi. Etsahna ding in: Tulai Biehinn bawl ah Hattuum leh pawl (Dinomination te) sung ah ahing pung hat mama hi. Nidang lai Bi-inn toh chipeh inn-baang toh Pasian a ki bie a anop mama hi. Tulai ahileh Bii leh Langva mai hilou in Biehinn thupi tahtah asung leh a polam a zong etlawm tahtah ahing pung zengzung hi, ahin Biehna ngaisah na leh sepding a tam Pa ding dan muchieng lou vahvai mitoh la hilou gingtu kichi a tamta mama hi.

Gennop ahileh Religious and Political World Sakhuo leh khawvel kivaihawmdan chi in zong genthei ahiding hi. Tuachi ahilou in gingtute pen hoitah a Pasian thu thei hun ahita hi. Nasepte 8:31: Tualeh Etheopia mipan koima hilchet lou in bang kachi theisiem di ei? achi hi.

Tuama bang in ei gingtu kichi tamtah te zong Pasian thu thei lou, Pasian Hina (The Essence of God) thei lou, Pasian hing puidan theisiem lou tam tah aki um hi. Khawvel lam en kia talei zong tu leh tu a Social (Khawtaang) Economics (Sumsin na) Development (Khantouna) Politics (Gam kivaihawmna) te

i et leh lungzin ahuoi mama hi. Atom lam in enta lei tu leh tu in khawvel pumpi ah Gam 11 (Sawm le khat) maimai in buoina leh gaal neilou akichi hi (New Word IEPs website).

Khawvel pumpi ah Gam (Countries) 195 a um a 193 te UN nuoi ah member ahi uh 2 te apanglou Vartican leh Palestine ahi uhi. Tam theituoh thute kang gen utna ahileh tulai in ei gingtuten Pasian na isep ding bangun i sem na uh ama? Ahisih leh khawvel leh a thupina toh Pasian na sem manlou a khawlsan ding i hi uoi ma? Hattuum kichi in Pasian puina aw (the voice of God) zalou a, eima lemsahna leh hoiva ichite mai pen Pasian aw hilou ahi. Nang theina in amusau leh saulou na gamtat in a gen ding hi. Azieh ahileh Pasian puilou Hagau siengthou in ahing umpi lou nahi a leh tomkhat anop abah vang atawp lam chiengleh na tu bangbang na at ding hi. Mangpa Jesu in ka Pa inn ah um na ding umlou hileh hing hilta vang achi ma bang in Pasian kichi a tahtah ahi. Tami igen ut zieh ahileh tulai gingu tamtah ten bang ahei na zui (who are you following) na zui pa na thei chien nai ma, na Bieh Pasian na thei chien nai ma na nnasep leh silbawl te na theichien nai mah, khawvel a buoina tamtah hing piendohna khu ahileh Pasian pui huoi hilou lamkai atam zieh ahi. Pasian ah kile kia vai i Bieh Pasian thei deudeu vai theiloupi a mite bawl dan bang abawl mite bawl zieh theilou pi a bawl mite nungzui, Hattuum leh Pawlpi nungzui Jesu Khrist zilsahna zui khalou nahi khah ding pen adahuoi ahi. Na muthei tai - na lampi na thei chien tai na dinmun na thei chien tai, Jesu Khrist leh na kikal uh na thei tel nai, tamte theilou te pen na zuipa theichieng lou nahi ding a alawsam sa a zuipa na suoh ding hi.

Mangpa'n hing guoljawl in hing umpi ta hen.

~~~~~

# Thu tuomtuom leh Thumpi dingte



1. Pasion hoina leh kepbitna toh kumkimkhat haliem zou in lametna lienpi toh aha sagina tan hing pui galkaitu Mangpa min loupi phatkawm in Ama Thupina ipe masa uhi.
2. Synod Year Planner a umsa bangin ang tung ding July 14, 2019 (Pasianni) Haitha Kut poimaw mama ama phatkawm na leh biekhawm na'n Hattuum chin in a nuom theipen leh amanpha theipen a zang leh mang chiet dingin iki ngen uhi. Thumna toh kisa khol chiet va ui.
3. ZPWF Tour - 2019: SYnod nuoi a Zou Presbyterian Women Fellowship (ZPWF) Office bearerte panlahna toh June 02, 2019 apat August 18, 2019 tan dai dingin District sawmte lah a Hattuum poimaw asahnate uh vena nei lellel uhi. I panpi theina umsun Hattuum leh mimal chin in inichin thumna toh bawzui chiet va ui. July ha sunga avena dingte tam anei a Hattuumte ahi.
  - 1) July 7, 2019 Imphal District
  - 2) July 21, 2019 Suolam District Sugnu
  - 3) July 28, 2019 Zotang District Buongmun Lamkhai.

Avena ding uh district te leh Hattuum ten ana vaidawn a, ana kithuopi dingin ikingen uhi.
4. Pa M. Kamkhogin Office Assistant Pension peiding hita: Synod semtu iit huoi leh hawmthaw huoi mama Pa M. Kamkhogin kum 60 achin tah toh kiton in ang tung ding August 14, 2019 (Nilaini) chiengin Synod Office MGP Golden Jubilee Hall ah hakhietna umta ding hi. Asepsate zieh in thupina Mangpa ipie ua, amaban innsung khosahna dingte uh innkuon chidamna leh lamzannate ngetpieh va ui. Khumban ah Mission nna aseptung

apat in tuni tan in mi ginum leh chitah mi ahiban ah pawlpi it leh ngaina mama mi ahi. Aman'n talent aneite lah a, thutah gum a shipi ngap, adihthe adih, adihloute adihlou chia shipi ngap mi ahi. Tualeh School a asepe nua in Office a sawm-a-khat mimal list khuot in a pension tan sem ding hi.

5. Synod Laymen Theological School - 2019: Pasion hoina leh mapuina toh Synod Theological Education Committee te saina in tukum 2nd Batch May ha in Academic Session khat beita ding hi. 2nd Batch a telten May 30-31, 2019 nin exam nei ua, 25th June 2019 ni in Graduation nei uhi.

6. Evangelist Teacher's Orientation-2019: Synod Education Committee thuphasah bawzuina toh Summer Vocation hun sung in Regular teacher teng leh Grant Teacher te toh Teacher's Orientation Programme nei zouta uhi. Khum nah maban kalsuon ding dan leh kithuokhawmna hun in zang uhi. Khela pumpum leh hawmthaw pumpum in hun khahna nei uhi.

- 1) Amun : Synod Office, Zomi Colony
- 2) Ani : June 13,14, 2019
- 3) Ahun : 10:30am - 2:00pm

7. Khuongsatdan, Lapuidan leh Tonic Solfa Zilna 2019: Pasion hoina leh mapuina leh Synod Musical Committee te thuphasahte bawzuina toh i gam in atahsap mama mai Khuongsat, Lapuidan nuomtah leh kipah tah in neizouta uhi. Hattuum khat in mi 2 zel sawl thei uhi. Maban hun hing peitou zel ding ah Hattuumte leh pawlpi a ding a Pasion phatkhawmna a ding a vanzat manpha ang hiding uh i lamet leh i kinepna uh zong ahi uhi. Thumna toh thei chiet vaui.

1. Amun : Presbyterian Church, Thingkangphai
2. Ani : June 18th, 2019

**Resource Person :**

- 1) Rev. Awnkhankhup (Theory)
- 2) Upa Jamsianmung (Practical)
- 3) Samuel Khamsuankhai (Practical)

Tualeh 19 apat 28 tan June 2019 sung Tonic Solfa zilna sutzop ahia, Teacher's ahileh Pa Samuel Khamsuankhai leh Pa Thangsuonmuan ahi uhi.

8. Khristian naupang pawl (KNP) Khawmpi - 2019: Lamka District PYF te saina in apeisa June 21-23, 2019 sung Presbyterian Church Lailam veng ah nei uhi. Khawmpi Honna Rev. Zamlianpau Biel Pastor in nei a, tam khawmpi hunsung Remnant Ministry ten phatna leh thugenna mapui uhi. Khawmpi thupi: Mangpa tung ah kipah in (Late 37:4). Pansan in Naupangte lah ah Pasian thutah genna zong nei uhi. Dated 22nd June, 2019 ni sunnung nai 1:00pm in KNP Unit tuomtuom Nursery apat Senior tan thu leh laa kitaidemna zong nei uhi. Dated 23rd June, 2019 nitah in Upa Gouchinlal District Chairman in khawmpi khahna nei hi. Khela pumpum leh hawmthaw pumpum in kikhen uhi. Thupina zousie Mangpa'n tang hen....!
9. Thumsahna: Eite tang a Khantanhoi nasem i Missionary te leh a chawmtu, avahtute adin damtheina, thuohzawna leh kipiehzawna te nget pieh vai. Amauten hamsatna chituom tuom amaituo ding ua, adieh in ama uh deisahtu leh kemptu a field-te a ding in zong thumsah zing va ui.

~~~~~

I GAM UA DING A KUL-LE-POIMAW VOT

CHRISTIAN ETHIC'S SUINA

Rev. Dr. Hangpi Manlun.

Moderator, Zou Synod

1. Thumapui leh hilchetna.

Awle, i thupi uh 'Christian Ethics' chi thumal khu Greek ham a, 'Ethos' a kipan lah ahi. Tualeh, ethics chi leh Christian ethics khun tup-le-ngim leh kingahna a tuom in anei tuohtuoh uhi. Ethics amaw secular ethics i chi uh ahileh, mihing kizilsahna apat a um dan hoi hilchetna leh kizilsahna ahipei mai a, a tawpna zong mihing a tawpmai ding leh mihingte siem pichinna ah jong a kinga hi. Tuaban ah Sapham a 'moral' chi leh 'ethics' chite

khu kawh-le-tup kibang a nei uhi. Ahin, tamna i gen nuom leh suisawm uh ahileh Christian ethic ahi hi.

A langkhat lam ah genta lei Christian ethics, khu eiham in hilchien ding hita lei, hindan hoi ahiei, nam tawndan phung (custom) a hiei, gamgi nei a um, nungchang hoi, chindan leh gamtat dan hoi, a hoi-le-hoilou, a dih-le-dihlou, bawl ding leh bawllou ding a kizilsahna leh kikawhmuna Pasian thu toh kituoh a genna chite ahuop hi. Tuaban ah, Christian ethics ahileh pen mihing a kinga leh tawpmai ding a hisih a, Pasian a kinga (theocentric) ahiban ah, Pasian thu leh ngaituona (reason) chimtah jang a, bawlding leh bawllou ding genchetna chite ahi zaw hi. A tup pen zong ahileh Pasian leh mihingte kikal a kichimatna hoi bawlte, mihingte khat-le-khat kikal a hinkhawmna ding a, umdan hoi leh kilawmte kizilsahnate ahitangpi hi .

Tualeh, hinkhuo hoi zah dih ding dan tungtang khu hattuum Pate lah ah

Augustin-te, Kumzabi 12-na a Peter Albelard leh Thomas Aquinas-ten jong ana genlang uhi. Ahin Christian Ethics chi kamteng khu hattuum siemphat nua, apat a hing kijang pan ahita hi. Tami hamkam teng jang masapen khu Denaeous kichipa ahi. Amakhu Protestant hattuum mi ahi. A man French ham a a laibu giel “Christian Ethics,” chi khu Thu Sawm pieh (Ten Commandments) tungtang suiin Christian-te hindan ding ana giel hi. Tami a kipatin Christian Ethics chi khun Christian-te khu bang chi bang a hing ding ahi uh e, chite, Pasian a kinga kawm a, Pasian gam letna ding leh kehletna ding a, tam leitung a khawsah ding dan a zilsah a, tuachin Christian Ethics chi kamteng khu ahing kimang tou pehta hi. Unau Roman Catholic Pasian thusiemte khun ‘Moral Theology’ chiin a gen uhi.

Tualeh misiemte khun Christian Ethics khu gendan tuomtuom in a hilchien uhi. L.S. Keyser in, “Christian Ethics khu ngaituana chimtah jahna ban ah Bible

zilsahna vah akipat a dih-le-dihlou theina ding a, kingahnate, hindong dan hoi-le-kitup mandan dingte jilna ahi” a chi hi. Swiss Theologian, Emil Brunner in Christian Ethics khu “Pasian silbawl dan in um ding dan a chi bang jel a umding a mihing zilna ahi.” a chi hi. Tuaban ah, Methodist Theologian, Georgia Harkness in, “Mihing hinkhuo a hamsatna leh thupuona bawl angai hun tuomtuom a, hinkhuo mandong Mangpa Jesu entawn ding leh a siemsa/tawtsa lampi nounel tah a zuidong” chi’n a hilchien hi. Rev. Dr. K.C. Abraham in “Christian ethics khu zilsahna lampi khat, silbawl dan theisiemna ding a tena bawlsatu ding ahi” chiin a hilchien hi. Tuaziehin, a tangpi in tam a tung a misiemte hilchetnate patin khaikhawmta lei Christian ethics i chi uh ahileh, Mangpa Jesun hindan ding ang zilsah leh ama ngeiin a hinkhiehp/zuisate khu mimal-le-khawtang a zuia, hinkhuo zahdan dingte, Hagau Siengthou panpina

jieh a, atah gam a hinkhuo zah ding dante leh Bible in Christian-te bawl ding dan a silhoi kilasawnte, Christian gamgi leh ginna jang a hindan dih-le-hoi kikawhmunate achithe ding hi.

Tuaban ah, Dr. D. Singson in, “Christian Ethics in silni tup a nei hi. Khatna ah a hoi pen kichi mukhieh a bawl ding ahi. A nina ah, tami ahoipen-le-dihpen khu mukhiehtheina ding leh bawltheina ding a, mihingten i jui ding dan lampi khu puondoh a etsah ding” chite ahi.

2. Christian ethics zil a kulna leh poimawnate:

- 2.i.) Mangpa Jesu deidan a i hintheina ding un ahi. Christian hindan hoi khu Mangpa Jesu ginna a kinga leh kipan ahiziehin, Ama deidan a i hintheina ding un zil a kulin apoimaw hi. Tuaban ah, Ama theina a i khanlettheina ding un kukaltah a i zilding uh ahi.
- 2.ii.) Christian hinkhuo hoi khu zilzaw ngailou ding leh damsung a zil zing ding ahi. Hinkhuo khu a zilpeite

a ding in zilzaw hun umlou damsung dai ding a i zilding um jing ahi. A diehin, leitung a laibu hoi tuomtuomte sim jing in, tuaban ah i Bible uh sim jing in, a diehin Thupilte (Proverbs)-bu khu pilna ding a sim tam ding ahi. Dr. Billy Graham ngelin jong Thupilte laibu khu a hasim mama a kichi hi.

2.iii).Innsung, khawtang leh hattuohte a i mawpuohna leh i sepding, i bawl dingte uh hoi tah i septhaina ding un i zil uh a kulin apoimaw hi. Tambang a i mawpuohnate uh i thei ua isepchieng un tahsa-le-hagau ah mipiching leh poimaw i hinate uh i sulang ding uhi.

3. Bible in hindan hoi a zilsah dante: I Bible uah hindan hoi i ineitheina ding un Pasian in Mosi tungton in Israelte kung ah Dan Sawm ana pie hi. Tuatte khu tuni dawngin eite ading in jong i jui ding ua hoi ahijing hi. Tuaban ah, i Bible pumpi ban uah Khantanhoi (gospels)-bu lite bang hagau a ding mai hilou a, pilna ding a jong simtam ding ahi. Pu Mahatma Gandhi in jong Khantanhoi bulite a sim jing

in, a diehin Mangpa Jesu kamtengte khu Danbu chiin angaisang mama akichi hi.

3.i). Mangpa Jesun hindan hoi tungtang a zilsahna ah khun itna (agape) khu a bulpiin amang jing hi. Mihing leh Pasian kichimatna sesa siem lem kiana ding in Mangpa Jesun itna khu a jang hi. Pasian khu itna Pasian ahiziehin ahi. (I Johan 4:7-8). Eiten jong i mihinpote uh i it ding uh ahi..Tualeh, mihing-le-mihingte kikal a dan dangka tah khu itna ma ahi. “Nang ma na kiit bangin na innvengte it in” chi ahi. (Matt.22:39). Tami bang a i mihinpote toh kikal a i sep/ bawl ding ahi leh “Min na tung a abawlding na deite mitung ah bawl in” chi ahikia hi. Tam a tung a Mangpa Jesu thugente i mihinpote tung ah bawl lei hindan hoi leh Pasian deidan a hing i hiding uhi.

3.ii).Ngaidamna. Mangpa Jesun midangte a ngaidam bang a ngaidamna hinkhuo en jong nei ding in ang zilsah hi. Peter kung ah khun midangte khelna leh gitlouna khu sagi vei mun sawm sagi vei ngaidam ding

in a zilsah hi. Tambang in i mihinpite khelna ngaidam chiet lei buoina leh kisietna ding aum sih ding hi.

4. Mimal hinkhuo a hindan hoi nei ding dante.

4.i). Neh-le-tah a kikep siengthou ding ahi. Ei Christiante pen Pasian hing betute i hiziehun zu-le-sa, khamthei guithe, tep-le-muon chite a i kikoi siengthou ding uhi ahi. I Bible uah etton ding Daniel lawmthumte bang i mu uhi. Tam a tung a i gente khun tahsa damtheina susie in, sum-le-pai senthawna leh hagau lam hinkhuo jong nasatahin a subuai mama hi.

4.ii). Nu-le-pa hina (sex) a zong i kikoi siengthou ding uh ahi. Tulai khawvel khantouna asantah ziehin tahsa utna pientheina ding in, sil tuomtuom muding atamta hi. Tuaziehin, ei khanglaiten tami sex khelna lah a kipan a i kikoi siengthou zing ding uh ahi. Pasian in kitennua chieng a zah ding a ana bawl (sex) tami nu-le-pa hina khu kiten masang leh kitennua a midang kung a zahkhah khu Pasian leh i Bible in nasatahin a huo hi. I Bible

uah nu-le-pa lam a siengthou etton ding Josephte, Maryte hinkhuo bang i mu uhi.

4.iii).Nehguh tahguhna (corruption) lah a pat kikep siengthou ding ahi. Tulai khawvel khu nopsah ding utna leh ngaituana ziehin koima mani tantawh a lungkim a kium nawn sih hi. Tuaziehin, sepna hoitah neite leh aneiloute nasan jong nehguh tahguh theina ding din mun a i um chieng un i dingtang zousih ua, i puokha paipai hi. Tuaziehin dihrou tah a sum sui leh muna lah a kipan a jong i kikoi siengthou ngam ding uh ahi.

4.iv).Ham-le-pau a jong kikep siengthou ding ahi. Christian tampite khun ham-le-pau a kiven a kul-le-poimawte kimanghil kha leng hi. Upaten, “Sa akhaph a shi, mihing a kam a shi” achi bangua, ei gingtute khu ham-le-pau a i kikep sieng jing ding uh ahi. Tuaban ah zummaw thanguoi gente, migensiet, kiletsah ham kamteng, mite musitna kam malte jong i jah/neilou ding uh ahi.

4.v). Election chieng a um ding dan. I gam uah election hun a diehin, M.P, M.L.A leh M.D.C chieng bang a i Christian hinate i suhlat ding uh ahi. Election chieng a guptuom paituom nei vilvel chite nei lou ding ahi. Tualeh vote capture, mishisate vote khiehsah, sum-le-pai hawm, neh leh zua-le-nal leh adangdangte bawl lou ding ahi.

5. I mimal hinkhuo leh khotang siemphatna ding a hinkhuo hoi poimawnate:

5.i). P h a t u o m n g a i n a / tawmngaina hinkhuo nei ding ahi. I pu leh pate hun lai ua kipat a hinkhuo leh tawndan hoi anajui uh, phatuomngaina hinkhuo ahi. Tami phatuomngaina tungton in meithai tagate ana panpi un a enkawl uhi. Ahin tulaiin tambang hinkhuo leh chindan hoi khu i mansuo deudeuta ua, atha a i suh hing jing ding uh ahi.

5.ii) Eite sang a tahzaw leh upazawte i zatat ding ahi. I pu/ipate khun amauhte sang a tah/upate zawte ana zatat uhi. Tambang tawndan hoi khu tulai in eite sang in

unau Meiteite leh kawle-le-vaiten anei jawta uhi. Tulai in singtangmai a neuneu a tungtat bang in, eite jong aneuneu thunei hilei akilawmta hi. Tuaziehin i Christian gindan uh toh kituoh a, eite sang a upa leh tahzawte zatatna hinkhuo i nei ding uh ahi. Tami khu a diehin Khanglaite lah ah a kul in a poimaw mama hi.

5.iii). Migentheite ngaisahna hinkhuo i nei ding uhi. I pu/ipate hunlai in migenthei leh meithai tagate ana ngaisah un ana kem uhi. Tuazieh ahingei ding a i society uah kawle-le-vaite bang in khutdaw a umsih hi. A hin tulai in meithai/tagate nehding tangteng a thunei leh bawltheiten i nehsah mangta uh abangta hi.. Zawngku (monkey) in anoute kam a ann umte anehtheina ding a abehsah anehbang mai in migenthei leh meithai tagate neh ding teng kinch mangsahta abang hi.

5.iv). Vantang vante leh silte i kemhoi ding uhi. I gam uah i government in i khosung leh i gamte uh puona ding in inn building tuomtuom, lei,

waitingshed leh adangdangte i zah ding un angbawl sah uhi. Tuatex khu tulai in kephoi sang in, suhsiet leh halsiet ding kitu hilei akilawmta hi. Tuaziehin, tamte khu eite a ding a kul-le-poimaw ahiziehin neitu hina nei in i enkawl hoi ding uhi. Tuaban ah, tuikai (toti) i lah nuom jiehang bang un lampi pucca road/black topping kibawlte bang a khenten a saite kung a phalna la vatehlouin i touse mai ua, tuami khu i lampite uh sietna kipatna ahi nuom mama hi..

5.v). Solkalte (Government) thuman ding. Awle, ei Christian-te khun i kumpi/solkalte uh thu khu i ginna uh toh kikal ahisih nahpou leh i man ding uh ahi. Tax (khasana) piehngaite hoi tah a pieh, solkal in bawl ding a angphutte thumang tah a bawl, electric guh lou ding, helmet khulou a gari neu a tailou ding, zuau-le-nal a summu sawm lou ding, zukhamsa a gari a hatpipi a tai, size dihluu a gari koi leh tailou ding leh a dangdangte i bawllou ding uh ahi.

Tuaban ah, solkal silkhamte neh-le-zua lou ding chite jong i manghil sih ding uhi.

5.vi). I kim i pam ua sing-le-guote i kepsiem ding uhi. Tulaipen mihingte duamna leh huoihamna ziehin, i kim i pam ua sing-le-guote suhsiet in aum jing hi. Tamte ziehin menchin, gamgaw, tuilet leh huisiang mihingte a ding kul-le-poimawte a tawm hiaihiaita hi. Singtang/Zoudawn bang ah gamlah a thei kung, tat, thei hia, bil leh adangdangte khu kiphuah in kumtam tah nehdinglai khat vei in i nechai/sulum mai uhi.

6. A tawpna ding in: Eite zousie khu Christian i hiziehun i umdan leh Khrist khantanhoi kituohsah jing lei hinkhuo hoi nei i hiding uhi. Tuabanah silkhat pouma i bawl ding chieng in Mangpa Jesu hi leh abawl diai? chi in, ngaitua masa in bawl ding a i gintatte en jawng bawl in, igintat loute bawlda lei hindan hoi nei i himai ding uhi. Mangpan simtu zousie hing guoljawl jingta hen aw. Amen!!!

Laibu ette:

1. Lianminthanga Rev. C. Christian Nundantha, (Aizawl: The Synod Literature & Publication Board), 2008.
2. Nhaklianmawia P.C, Buaipui Tham Thilte: (Bible atanga thlirna), (Aizawl: The Author). 2008.
3. Russel C handran, J. Christian Ethics, (Delhi: ISPK), 2004.
4. Singson, D. Dr, Christian Nun Leh Khan, (Christian Ethics), (Imphal: The Kuki Theological Text Book Committee), 1992.
5. Vanlalaiva, H, Prof. Dictionary of Theological Terms, (Aizawl: Faculty of Aizawl Theological College) 2007..
6. Zou Holy Bible leh a dangdangte.

~~~~~

## AMAN EISA'NG IN SILHOU THEIZAW

- By: Manglianhang, B.D. Student

Mangboi kichi tangval khat anu'n koltutui zuoh maimai a, aneu apat Pasian deinabang zel a, ahing etkol nua in. Kaam hing mu in sepai ahing pangta hi. Mangboi in alawchingna khu Pasian zieh ahi chi manghil lou in nichin in ahun nei sun in Bible te sim in Pasian toh akihoujel hi. Aseppite ginglou ngen ahina uah, ama atuom bawl uhi. Tuachi'n nikhat asap pa'n. Ahan a, "Khuna Gari khu akoina (Park) nading dihtah a va tawl in" achita hi. Hinanleh, Mangboi gari tawl theilou ahiman in anuol ta hi. Asap pa hing lungthah in "Na Pasian bieh leng khu bang chibang ahiei? Bang abawl thei ei? Hing ensah in, Silbangkim ama apat hing kipan na chi hilou ama? "chi'n avau tahi. Tuachi'n Mangboi in Gari saw (key) la in, thumna lunglut tah a anei nua in, asaw thuo in apan a, gari khu lamdang tahtah in, ahing giingta hi. Akoina ding mun a akoi nua a ahing kum khiet tah in, lamdang sa in amittui uh aluong a, Tuachi'n a Saappa'n agari tol khu a khol (engine) umlou ahi chi atheisah a, "Na Pasian khu, Pasian dihtah ahi" achi ua, Pasian agingta ta uhi.

Hasatna tuohlou i um sih a, Gentheina hun mang khalou i um tuom sih ding hi. Tuilah a tumding kisa a hinna dinga panla, nuitha suolou sasa a nuibawltawm. Biehin lamjuon hinanleh lunghimawna a dim, silhoi bawl ding tum hinanleh angaituolou nalam taha bawlkhiel kha jel. Silbangkim a lungnopna ding sui nanleh muzoulou ium uhi. Ahi!!, tuni tan a mizousie hasatna neilou, puohgih neilou, lungtang nakhalou, nupa lawmta, innsah innhang kikaal kisia, i um louleh vang sil lamdang ahiding hi. Giingtu zousie adingin Pasian pahtawi, phat anuom hi, hinanleh ihasat hun bat inei hun, tate tuition fee ipieh zoulou hun chieng in vang Pasian phat ahasa hi. I damthei laitah in vang Pasian phat ding, laapawl zilding, mitunga hoi ding lunggel ingaituo sih ahi. Ahinlah natna in ahing tuom hun chieng ikisie jel ua Pasian iphawh kha jel vaduol uhi. Lung in ngil sih vai suolgaal sat zing ihi uhi. I gal sat na chin uah zou thei dingin thuneina ahing pie ahi (Laate 46:1). Natna leh gentheina te'n hing zouding bangin um nanleh, tuate khu Pasian lam a ikinuale kia thei na ding a ana um jel ahi theisiem vai. Sil bangkim ah amei ihisih ua,

alu ihi zaw hi. Khopi ah um in, khuolgam ah um nanlei, heisung munchin a Pasian pang in gaal zawna ei a ahi.

Heisunga um atai i ginumna? Pasian imuon na? Ama hilou ama, bangkim bawl ding pa khu? ichi hun aum hi. En in unau, hasatna ituoh chiengin Pasian a dingin chinglou iki sakha leng uhi. Hinanleh hasatna ituohte apat ithaw kiezou khu ama adinga ching ihina asulang zaw hi. Sil bangkim ipal gaalkai chieng un Pasian theipitute ihi ua, midang mai amin i puangzah ngam jel uhi. Sil zousie Pasian siem ahi chi ithei uhi. Pasian khu atah ahia, a um ahi chi khu isilbawl ikhohei dan a isuhlat ding khu gingtute bawl ding mawng ahi. Ama ah, i ginna khu hasuo lou ding ahi. Ajiehpen ama khu “zannituni leh taangtawn in angai ngai ahi” (Hebrute 13:8). I hinkhuo a hasatna ahing tung chieng in kihatsah jel in, kanua tawn sih ding, ka Mangpa ka heisan sih ding, ka Pasian um ahi chi lunggel nei zova ui. I bawl theiloute gen in, lekha kasiem sih, bangma kathei sih, midangte bangin ka ching zoulou, ka innsung ahasa hi, chi in Pasian ihan khum jel uhi. Hinanleh Pasian in nang hasat nate han khum ding khu adei lam ahisih



a, ama khu bangkim bawltheipa ahi chi ithei ding anuom zaw ahi. Tamte khu mihing kideikhopna leh kiletsahna lungtang ana hizaw hi.

Unaute aw kingaituo thei nalai ihiman in, kingaituo tha va uui. Atung a igen Mangboi bang in hoitah mun a um hinanlei Pasian khu manghil lou in pangdet zing vai. Gingloute a ding a laisengthou ihi chi khu manghil lou in, ama akhatna ah koi va uui.

Isai 55:9 “Aziehpén vante leitung sanga asan zawh mabangin, ka umdante na umdante uh sangin a sangzaw a, tualeh na ngaituonate uh sangin, ka ngaituonate asang zaw hi”. Pasian um dante ei umdante sang in a sangzaw a, tualeh ingaituo nate uh sang in, Pasian ngaituonate asang zaw hi. Aman’n ei sang’n in silhoi theijaw hi. Tuaziehin Pasian imuongngamna khu mohmai hilou ding hi. Simtu zousie Mangpa’n hing mapui jing taken.

~~~~~

HUNDAM KITHEI CHETNA

- Rev. Zamlanpau
Lamka District Pastor

Tam khu gingu mimal in, Jesu Khrist tatna nasep zieh leh Ama Jesu Khrist man in Pa Pasian mai a hing ngetsahntu a hizieh a, Pasian in hing ngaidam mai hilou in, Ama toh kizopta ka hi chi theichetna leh muongngamna ahi (John 6:39, 40; 10:27-30; Rom.8:14-16; I Joh 5:13). Hundamna khu mihing nasep leh gintat zawhna a kingah hilou in Jesu Khrist tatna na sepsa a kinga ahi chi theichien apoimawh hi.

Hundamna kipdan:

Hundamna khu Pasian itna leh hepina zieh a hing pieng a, Khrist pansan a Amah toh hing kilem kiasah, khelna hing ngaidam, ata dia hinpom ban ah, Hagau siengthou in hing luotenpi ahizieh in hundamna khu akip leh detdou in kumtawn dai ahi (Joh. 6:39-40; 10:27-30; Rom

8:29-39; Eph. 1:13, 14; Phi. 1:6; I Pet. 1:23; 5:10; Juda 24). Tuaziehin mpiengtha dihtah khu nuatol hun leh bahtah/chautah a um hun um thei nanleh, hundamna khu kumtawn dai ahi (I Kor. 3:10-15).

Pasian thu suisiem khenkhatte’n Heb. 6:1-8 pansan in hundamna mansuo kia thei

hidan in a zilsah ua, a dihloa ahi. Tam Laisiengthou khu piengtha tahtah loute genna ahi. Hagau lam sil a atahtah theilou leh tanglou, ahizieh in chiem kha juolte dinmun genna ahi a, tulai a piengtha loupai nahpi a Hattuum a ki innteh sahte lawi genna ahithehi hi.

Piengthate leh khelna:

Piengthate khielthei lai maw? khielthei nawnlou maw? chi thu ah ngaidan tuomtuom a um hi. Laisiengthou munkhat mai tahlang lei e.g:- I Joh 3:4-10 piengthate khielthei nawnlou chi thei ahi. Ahizieh in, Laisiengthou mundang, e.g: I John 1:8-10 ah mihing koimah khelna neilou

umlou ahidan mu ahizel hi. Tam Laisiengthoute kikal hilou in, azilsah leh gennop neituoh ahi uh chi theisiam ding ahi. Laisiengthou pumpi hing zilsahna a khun leitung a mihing damlai teng khielthei na lai ahi. Azieh, melma satan in nichin a hing sol gige, tuaziehin gingtute pilvang ding leh kiveng gige ding a thupieh ahi (Lk. 22:46; I Kor. 10:12). Tuaziehin, piengthate khiel theilou chi hilou in, khiellou thei ahizaw, Hagau a dim gigate adia khelna ding hun leh mun umlou, Hagau a dim loute khu khel thei ahizieh in, khel louna ding in Hagau a dim gige khu apoimaw ahi.

~~~~~

Kumtha imu zel a,  
azieh um hive aw...!

Aziehpen silzousie Ama a kipan leh, Ama vaang leh Ama a dinga silzousie um ahi; Ama kung ah thupina tangtawn in um hen, Amen (Rome 11:36).

Simtu deitahte thoukia Jesu Khrist min in kumtha chibai ka hing buh hi!. Kum 2019 mu leh zang thei dia i hinna hawisah ihi lai in bang na ngaituo ei le? Pasion deisahna zieh a ka phu huntah mu ma ka hi ichi ngam in, ahi ding ma in ikoi ei? Ahisihleh hinkhuo kivel kawm a i hun peisate i et kia chieng in Pasion hoina lieu lieu a isiltuoh leh tante zong tang tah a zong kikoi lou in Pasion mai ah kisuongla zawzen

in ium zaw uh e? Bang teng hileh kumbul a idin toh kiton in “Bang zieha tam tan dong Pasian in a hepina leh zangaina khut katung a ang zahkhum lailai adiei” chite ngaisun kawm in hinkhuo peisa ki etkiana in hun saulou beh neithei talei uthuoi taluo hi. Ngaituo wawi, leitung mihingte’n, ganta - Ah, Vatawt, Ngeu, Ui, Voh, Belam, Kel, Bawng leh ganta khat poupou ikhawi chiengin, ibuoipi mama uhi. Khum ganta i khawiteah tup-le-ngim umlou a mohkhoi a moh etkawl kihi mama lou hi. Amaute a lametna inei zieh in ka gim, ka tawl chilou in sum-le-pai, tha-le-zung sen ding kitha siellou in, i gimpi mama uhi. Tam bang neuh neuh ka ngaituo chiengin mihingte ang siemtu, itung a thuneitu leh vaihawmtu Pasian in a siemsa, mihingte tung a siltup leh lametna lienpi inei zieh a ihoi leh hoilou kichientah nei a, tuni tan ihinna hing bawl hoisah in, i damkum hing belap sah nalai ahidan itheitha poimaw mama kasa hi. Mihingte’n eima siemsa hilounapi’n, gantate khoi in amau, tunga lamet inei ziehin kepthei, kepmaw a kem in, buoipi a gimpi ngap ihih leh, Pasian in ahinna

Hu ang pieh, khutsuoh thaseng zena abawl mihingte tung ah ang lametna sang hina maizen e maw! Azieh, asan neilou in ihinna amoh hawi gige vawtlou dinga, mihingte tung siltup kichien nei in eilam ah lametna lien nei ma ven maw! chi ding khop in um hi. I Bible tahlat in “Ama kipat leh, Ama zieh leh, Ama a dingin sil tengteng ahing um ahi ngal a: Ama kung ah kumtawn in thupina um hen, Amen” achi hi. Tuaziehin ihinkhuo belap a um a, kumtha meel mu a, i umthei te vel, eima kikep zaw leh kivensiem zieh a ahileh leh Pasian die deisahna dongtaah a i hin zieh bang a kumtha pikai a um hizaw lou in, Ama hundamna tang/nei nailoute hundam ihing hi ua, Ama ineitheina ding leh Pasian ta hisate’n mawpuohna ang piehte izaw theina ding a, iphuloupi i damkumte hing belapsah nai lai hizaw ding hi. Pasian zangaina zieh a hamphatna itante vel “Azieh umhive aw” Khumbang a idam kum belap ahitoh kitawn in michin in ihinkhuo belapsah a um ihina azieh leh asan mukhiet sawm leh sepkhiet sawm in kumtha 2019 izang ding uh aw.

~~~~~

AHUN HUN A GA ZEL HINKHUO

- Upa Khupsuankham

LDCC Hiangzou

“Tua bang mite pen luigei a singkung pou, ahun ahun a ga zeel, Ana zong vul ngailou bang ahi ua, tuachiin abawl tapou amuolsuo uhi” (Sam 1:3). “Tuachiin, ama khu luigei a singkung pou tui sunga hui hasuh peh toh kibang ahia, khuo ang vah chiengin, a lungkham sih a, anate anou den veve hi. Guo zuhlou chieng zong a lung himaw vawt sih a, a ga zing leng hi (Jeremiah 17:8).

Gingtute hinkhuo khu sil dangdang toh gente ahizel a, hinanleh tam na i Bible taang tel Sam gieltu leh guolnei Jeremiah te’n tuigei/tuiluong panga singkung pou bang a agente uh ahia, gingtute hinkhuo umzie khu ahing theikhesah hi. Tam mi thu kigen laiin Khrist hinkhuo khu mit a mu bang in kilang sih nanleh, Pasian (Jehovah) gingu chi leh tulai a tapidawte hinkhuo akilamdanna a um sih hi. Gingtute hinkhuo khu luigei a singkung toh akigentena santah khu hinna khu tui a muthei luigei a singpou ahi zieh a kholum leh khovot lai a zong vul ngailou a hing zing thei a, ahun tah a aga zel thei nasantah khu ahi. Tam gentena thute apat eite zong ikivelchien ding uhi.

Tapidawte hinkhuo tamtahte khu “taang ga” ahun lou a aga banga piching theilou itam uhi.

Ahun lou a ga: Singkung ahei huon haichi ahei khat a ga hun lou a ga a um zel hi. Ahun hilou a gate khu a piching thei tahtah sih a, inehlezong tui thei tahtahlou, amin ding bang a zong minlou a tuol ah aga apulkhie zel hi. Tuachia ahun tah a galoute khu Upate’n “a taang ga” achi uh khu ahi. Gingu tamtah te zong khu taang ga bang a piching theilou, gingu tamtah iumkha leng ua, i gate uh umden theilou in ihatmawpi zel uhi.

Anate hing zing a, ahun ahun a ga zeel: Tuiluong/luigei a singkisuon khu tui in atapnou zing ahi ziehin anou/anom zing a anate zong vullou in a um zing thei hi. Ahin zing thei ziehin akungte zong kilawm in auoi ngii ngei a, ahun tah in aga khe zelleng hi. Ei tapidawte hinkhuo zong khum bangma ahi, chi i manghillou ding uh ahi. Mangpa Jesu’n, “Koizong tami tui dawn tapou

dangtah kia van in, hinanleh zong keima pieh ding tui dawn kha tapou dangtah kia nawnsih va. Tua ka tui pieh ding pen khu ama sung ah tuinah in hing luong va'n, hinapie tui hing suoh in tuachin aman kumtawn hinna neita va" achi hi (John 4:13-14).

Tuiling pang a singkung pou in ahinna leh agasuo theina tui a dawn bangin, gingtute khu Hagau siengthou tangtute ihi ua, i gate uh zong, Itna, kipahna, lungmuonna, thuohhatna, zainemna, hoina, ginumna, thunuoilutna, kidetheina te ahi (Gal. 5:22-23). Tam hagau gate a pansan gingtute khu ahun ahun ah aga zeel leng hi.

Banghunahe igahunding uh ichi mai thei uhi. Tambangin hilchien talei, gingtu ihi zieh ua, huot a i um cieng un, itna a iga hun, i lungkham i mangbat laitah a, kipahna a iga hun, igenthei lai tah a, thuohhatna a iga hun, lunghan thangpai a mitung a isanglen hun, thunuoilutna a iga hun, neh leh dawn kilawmlou a i din hun a, kidehtheina hun a iga hun uh ahi. Koiman theisihna chia sorkal sum leh pai dihlou tah a tampipi lahkhet theina hunte khu hoina leh dihtatna a

i ga hun ahi ding ahi. I huon a theikungte khu a ga hunlou ahei in hing ga zeltaleh nanawh isah ding ua i sattan in i tomkhawm in mei ah i haltum ei ahisihleh a pulang ah i lehman ding uhi. Hinanleh eite khu ahunlou ah ga zel nanleizong Pasian in gahoi a i ga ding uh a deina ziehin ahing na ngah ngitngat hi. Tuachieng tanpha a i gathei nahlai sih uleh i khantanhoi dawn pen uh khu a gasuo thei namte kungah a pekheta ding hi.

Koiman a thei votlou sorkal sum leh pai tamtah a thawn a ponglah hunte khu 'hoina' leh dihtatna i ga huntah khu ahi.

Tuaziehin unaute aw, i gam ah gingtu hinkhuo i ngaisut sut chieng un lampi tuomtuom apat in ki en talei a huntah a ga zel leng hinkhuo khu i poimaw uhi. Khokhal hun leh kholum khohsalou a, gasuo thul tuomlou a ga zel khu i poimaw taseng uhi. I hun peisate ah Pasian a ding leh midangte adia i gasuo lou uh ahi maithei a, hinanleh tu in ki ngaisut in ahuntah a gasuo ding a pan ilah uh a hunta chin i kideisah uhi.

Mangpa'n a thu guoljawlta hen.

~~~~~

# PILNA KICHI BANG AHI DIEI?

*By- Upa Langkhanmang @ T. Mangnou  
Presbyterian Church of India, Tuining*

Pu Editor leh simtute teng I Pasion itna toh chibai kang buh masa hi.

Mihing gamah gamtatna khat phot khu hun toh zawh ahi ziehin Tangkou Article tan ngalou (regular) taha ka thaw zoulou ziehin nuommaw kasah thu ka puong hi.

“Tam pilna thu khu’ 2015 in Tuining Govt. Jr. High School ah Computer Sangsye cum Devotion Chaplainer nasep lai a siemna zil naupangte a dinga kul leh poimaw hia ka thei, Siemsinna (Education) zieha mite’n pilna mawh mu thei ahilou dan sil poimaw hi a thei in, devotion thupiin “Wisdom, Understanding, Knowledge” chi te kana tel hi. Tualeh keima ngaituona ah tam thu manpha kasah seng ziehin Tangkou tungtawna thezah kang nuom sawnta hi. Laimai atawm theina ding deina ziehin i houlim nop pen pan pai maitalei: “Pilna kichi bang ahi diei” thupi tungtawn in anei a banga mu thei ahiding hi.

Pilna kichi bang ahia chi kammal dawnna khu “Pilna kichi khu mihing hinkhuo etlawmna chabi (key), Rubi suongmantam sanga thupizaw, bangma dang toh tekah thei vawtlou khu ahi (Prov. 3:15-18). Tam thu umzie khu Pasion opkhumna nei, heisung mun

khat phot a mihing hinkhuo a dinga siemna (Skill) a tam khu mihingte’n i damsung hun hoi ineisunga lampi hoizawta tawpna hoi inei theina khu ahi hi.

Pilna bangchi sui ding e? Amasa’n pilna khu tung lama hing kipan ahi bou ziehin Pasion khutsunga um ahi (Prov. 2:6). Tam munah sapham in chi se lei, ‘wisdom’ (pilna); ‘Knowledge’ (Thusungkul mutheina) ichi mai ding ‘understanding’ (khentelthei pilna or sie leh pha theikhen theina) chite ahi lai in Jacob 3:17 a imu dan in belap deu talei pilna khu lei lama hing kipan pawl zong um hi chia zong genthei ahi. Aziehpén, Tunglam a hing kipan pilna khu “Achilin a siengthoua, lemna a dei a, anun nema, ahounuom a, itna leh ga hoite toh akidim hi” Tuate panglou pilna zong aum kia a; agasuo khu buoina, nawngkaina, thangpai huoina, hasiethuoi vangutna, nohpahna houthei leh houmaw neina etc-te

ahia, tua zong pilna hinapi'n Bible hama Pilna kichi pen ana hi sih a, neilam apat toukhan nam pilna ahia, khumi'n mihingte lahah buoina leh kituomawna etc-te ga asuong hi.

Pilna heisunga um ahi diei? Pilna khu Sangsye-te apat leh lai tamsim zieha nei ding ahisih a, aumna jong heisung ahi koima'n a thei sih hi. Khentelthei pilna khu heisunga teng e? (Job. 28:28; Prov. 1:7; cf.9:10). Pilna khu silhing chinteng mita pata phuolguh (hidden) ahia, tualeh, tungleng vasate apata zong ki-im (concealed) ahi. Tuithupi'n (the deep) kei sungah aum kha sih a; Tuipin, kei toh zong a umkhawm sih hi, ana chi leh sietna leh shina in pilna thu kigen (rumor) khu kabil uah ang tung hi (Job 28:14) achi uhi. Tua ahitah ziehin Pasian bou aumna a thei hi (Job 28:28).

Pilna i nei theina ding khu: Pasian giin khu ahi (Prov. 1:7; 9:10; 15:33; Late 111:10; Thugenpa 13:13). Pasian giing (fear) chi umzie khu amasanga kingaangiemna leh lamdang sah leh zatat toh thu kawma um khu ahi (Thupil 15:33). Tualeh ama i damlai hinkhuo nasep silbawl khat phota i kingahna pipen leh ei siempa ahidan theina zong ahi.

Bang dinga mi tawmnou in tam Pasian giinna anei giap e? Tam

leitung hun tomnou khat sunga muthei silte kingahna zieh ahipen a, kumtawn a ding Pasian thu vang mutheilou sila ki ngah ahi ( 2Kor. 4:16-18; 5:7). Dam sung a dinga i hapanna te'n ei thuzaw in mutheilou khelin muthei silte i buon uhi.

Bangte'n kumtawn manphatna ei pethei diei? Tam deitelna khu ginna a ki ngah ahi (Alang theite leh sil umdan sanga Pasian ginna) tualeh, ginna khu kingah ngamna a kingah ahi kia hi.

Ginna ah bang ichi khantou thei diei? Pasian a ikingah ngam theina ding khu Pasian i thei dana kingah ah itheichet pouleh, i kingahngamna khu ang sang jel ding hi.

Pasian theina lamah bang ichi kibelap thei diei? Pasian i nai theina khu thumna tungtawnin i kihou a; Pasian thu tungtawnin a aw i ngaikhie hi. I theina a gil nah leh i it sem dinga, tualeh i hinkhuo ah ama deilam kidawngtuo in a um ding hi. Pasian ginna khu mihing khat imuon tobang ahia, tualeh kingah ngamna khu gamtat leh nasep ah ang kilang thei ding hi.

Phatuom ngai leh deisahna toh mawl taha i houlimnate achingla leh a val bangtobang aum khah leh tuate theisiem kawma koiin Mangpa'n tam thute tungtawnin

Pasian theina lamah ga hoi suong dingin simtute zousie guol ei jawl chietta hen. Kipah ing.

Lunggim na zousie ama sieng ah tun in

Nitakhath lungmuong tah a lupna tunga kana lupleh ka phone ahing ging a, ka etleh message khat ana um a, hichin ana kigiel hi, “kang houpi thei diei”? akichi a, ken zong lungsim kihongtahin nagen ut ut hinggen in thusie thupha ahita in zong ahing poimawta pou ading in kot hongzing ka hi kachileh alungkhamna zousie leh alunggel bangkim ahing sung khe ta hi. Tuabep in kenzong kathei khamkham in leh panpi thei dandan in Pasian thu kana kuppi a tualeh Bible tanghoi kasah sahte kathot a asim dingin kasawl a tuachin aban kagenjel hi. Amanu pen innsung hasatah a pan khanglien ahia tuamai hilou in anu leh apa nangawn zong zu leh sa toh khovel nopsahna chinteng a kibuol ahi nalai uhi. Tuachia hinkhuo hasatah ahing mantou zellai in aman zong anu leh apa tung a hasia leh lungthah kisa in khovel nopsahna chituomtuom te ah anu leh pa nuazui in ahing kibuol panta hi. Tuachia lungnopna ding leh lungkham henepna ding chia khovel nopsahnate a akibuol vangin ahinkhuo ah nopsahna kipahna himhim anei dieh sih a,

lungnopna sang in alungkhamna ahing kibelas zaw deudeu ta hi, tuachin ahinkhote kining in ama leh ama zong ki it zou nonlou leh kingaise tah a hinkhuo aman lai in nikhat mahni kithat (suicide) maiding akisa a hinanleh vangphat huoitahin alunggel ahing kikhel a achi thakhat in ahing tuun a, aki that ngam tasih hi. Tuabep in alawngaina theilou in alawmhoi pen keima kungah alunggel leh ahasatna teng ahing genkhe khongta hi. Tuachia alungkhamna leh ahasatna zousie ahing tutlai in a lawmhoi keima bang malou pen hinanleng zong kahithe natawp in kana henem a tualeh a, lungkhamnate kei kunga atunzawlou a lungnopna chikim neipa Pasian kunga tunzaw dingin kale ngetzaw ta hi. Tuachin amanzong ka Bible tang gente leh kathugente hoitan ahing nangaikhiet sah a ana simzel ta hi. Amanzong Bible simzel leh thumkawm a hinkhuo ahing mantou nua a hakhat chin ni in tambangin thu ahing tunkia hi “Kipah mama ing nangzal in kalungkhamnate leh Setan suoh a kapan nate apatin hundamna kangata a tuin Jesu Khrist khu ka Mang leh Hundampa dingin kapomta, ka kipah mama hi” chin ahing gen a keizong lungdam leh kipah sengin Pasian kungah kipahthu kana tutpi ta hi.



Tam atunga ka gen numeinu hinkhuo thusim khu kei leh kei kitoisang nading leh kei leh kei kipahtawina dinga kanggen ahisih a, sil bangkim Pasian kunga itutleh kilawsam ngailou leh kikhiel ngailou ahi chi hing tahlang ut kahizaw bou hi. Eite lah a zong mi khenkhat tua nu hinkhuo bang leh tua nu hinkhuo sanga khohzaw leh hasazaw dinmun a ding leh thuohzaw zong i um khah ding uzong gingtat ahuoi a tuazieh a, Pasian silbawltheina latsahna leh etsahna ding a kang tahlat leh kang gen ana hizaw hi. Mihing hinkhuo kichi pahpe bangmai ahi a hunkhat chiengin kipahna aum a hunkhat chiengleh gentheina aum jel hi, tua ahileh mihing hinkhuo pen bangmalou china ahi. Nangzong nichin na hinkhuo manna ah kipahna in ahing bom gige sih ding a, tuasang in hasatnate leh gentheinate in ahing bomzing zaw khading hi. tuahun chiengin nangzong nahinkhuo na kiningtel khamai thei a nang leh nang zong nahingkhuo naki lahsawm khamaithei hi. Leitung ah lungnopna ding nasui dinga nanleh namu zousih ding hi, aziehpén Pasian bou khu lungnopna bulpi ahijiehin leh a silsiem sate kal ah lemna, muonna leh lungnopna himhim aum theilou ziehin mihing leh

mihing ki henepna in sawt adai sih ding a tualeh lungmuonna ichizong mihing in leitung ah kimu ngailou ding hi. Pasian kung loungal ah tuaziehin tuabang hinkhuo hasatah a dingkha nahileh bangkim bawlthei leh nang hing siemtu Pasian kungah thum in lungmuonna ngen in nalawsam ngeingei sih ding hi.

I Peter 5:7 “Aman ahing ngaisah jiehin nalunggimna zousie uh Ama tungah nga un” chia imu bangun ilunggim nate, ihasatnate zousie Pasian kungah tunvai kitungkhiel mawngmawng lou ding hi tualeh na lunggimna zousie zong abei ngeingei ding hi. Unau mihing ihi a, leitung ah hasatna, lunggimna, natna chituomtuom i tuohzing khading a, hinman umlou bang in zong iki ngaitua khamaithei ding hi, tuahun chiengin lungmuonna sui in nalawi napai, nanu, napa, na innsungmi tung ah na lunggimnate natun khamaithei ding a, nanleh tomkhat sung nalung amuong dinga, nitha hatha namu jel bangin nalungsim zong ahing thajel dinga nanleh sawt adaisih ding hi, aziehpén lungkimna bulpi Pasian kunga na tutkha lou jiehin in nalunggimnate atha in ahing suohle ding hi. Tuaziehin ilunggimna zousie imihing hipite kungah tun zawlou in Pasian kungah tunzaw vau.

~~~~~

ZPWF Column

22nd May to 24th June 2019 tan a Tunnu Limbel panpina pete:

1. PWF Tuining Anntang tangin	Rs.	1,950
2. Nh. Naomi Goulianching, Manniang khuo	Rs.	500
3. Nh. Sianlamching, Manniang khuo	Rs.	500
4. Nu Niangnuamching, Manniang khuo	Rs.	200
5. Nu Ngaizaniang, Manniang khuo	Rs.	200
6. Pa Kamkhogin, Central Church	Rs.	300
7. PWF Imphal Anntang tangin	Rs.	1,880
8. Pi Thianching w/o G.S. Haupu Zou, Imphal	Rs.	1,000
9. Pu H. Kapneithang & Family, Central Church	Rs.	6,000
10. Rev. Kaimuanlal, Tuining	Rs.	500
11. PWF Delhi Anntang tangin (June 2019)	Rs.	2,000
12. Pi Niangpi w/o Hausuanthang Zomi Colony	Rs.	2,000
13. PWF S.Vengnuam Anntang tangin	Rs.	1,700
14. Nu Nousuanching, Central Church	Rs.	500
15. Nu L.Hoinu, Lailam Veng	Rs.	10,000
16. Evan. Pauchiin, Emmanuel Khopi	Rs.	500
17. PWF Singngat District	Rs.	4,240
18. PWF Singngat Anntang 120 Kg. &	Rs.	200
19. (L) Kamkhanthang, Lailam Veng	Rs.	1,000
20. PWF Emmanuel Khopi Anntang tangin	Rs.	500
21. Upa PK Soia, Tuining	Rs.	100
22. Upa Ginkhanmang, Hiangtamjang	Rs.	500
23. Khamlunthang, Central Church	Rs.	4,200
24. PWF Tuiningkuol District	Rs.	2,800
25. PWF Zomi Colony anntang Kg 81 &	Rs.	320
26. Nu L. Nianghauchiin, Lailam Veng	Rs.	12,000
27. Nu Ngailian, Lailam Veng	Rs.	3,000
28. Nu Gounaikim, sugnu	Rs.	1,000
29. PWF Tuibuang Anntang Kg. 110 &	Rs.	300
30. Nh. Debora Zou, New Zoveng	Rs.	500
31. PWF Lentang District	Rs.	5,580
32. Nu Mannianching, Lailam Veng	Rs.	1,000
33. PWF Kanaan Veng Anntang	Kg.	70
34. PWF Manniang Khuo Anntang Kg. 42 &	Rs.	200

Petu zousie Mangpa'n hing guoljawl zing taken.

PATRON MEMBER-TE

1. Upa Gouzamang	2. Pu Hav. Khamchinkhup	3. Pu Khamzalam	4. Pu Chinzasuan
5. (L) Upa Liansuanpau	6. Pu Khamchinthang	7. Pu S.Dalthang	8. Upa Kapkhanthang
9. Upa Langginmang	10. Upa S. Nangkhanlal	11. Pu S. Lamkhotang	12. Upa Dr. M. Lachinkhai
13. Upa Khamchinjam	14. (L) Upa D.K.Manlun	15. Upa Suankhanmang	16. (L) Upa Khupgou
17. Upa Chinkham	18. Upa Ngulchinkham	19. (L) Rev. V. Vungzalian	20. Rev. Retd. Kamkhosoi
21. Rev. Retd. Tualzachin	22. Rev. (Rtd.) H. Nengzatun	23. Rev. Awnkhanthup	24. Rev. Dr. Hangpi Manlun Zou
25. (L) Pu Tuanzapau	26. (L) Rev. Ginchinjam	27. (L) Rev. Khamzasuan	28. Upa T. Lamkhotawng
29. Upa Khaichinmang	30. Rev. Stephen Chinzathang	31. Pu Khupkhanmang	32. Pu Khaidohlian
33. (L) Hav. Khamzahang	34. Pi Vungzanuam	35. Pu T. Gouzadou	36. Upa Liensuonkap
37. Pi Zelkhochiin	38. Pi Hatkhanvung	39. (L) Pi Ngaihoiching	40. Pi Mankhannieng
41. Pu Goukhanmang	42. Pi Chingzalam	43. Pu S. Thianzakhai	44. Pi Kamkhanching
45. Pu Haukhanpau	46. Pu Tuallianmang	47. (L) Pu Dongkap	48. (L) Pi Chingkhanmang
49. Pi Donkhonian	50. Upa Henzakhup	51. (L) Pu Saichinpau	52. Pu Goumang
53. (L) Upa Khamkhanhang	54. Shie Laangkhanlal	55. Pu Khamkhanlun	56. Upa L. Tualkhanpau
57. Upa Jamsianmang	58. Upa Ginzadong	59. Pu Kaizathang	60. Pi Goizanuom
61. Pi Thangneivah	62. Pu Khamzathang	63. Pi Donchin	64. Upa Liankhanmang
65. Pu Hauchinlun	66. Pu T. S. Lal	67. Pi Goichiin	68. Pu T. Khupchinthang
69. Upa T. Kaizalam	70. Pu Paul Henkholal	71. (L) Pu Soikham	72. Rev. P.C. Manga
73. Rev. Khamchinkhai	74. Rev. Jamlianpau	75. Rev. Chinzapau	76. Rev. Retd. Kamkhosam
77. Upa (L) Chinpu	78. Pu Zamkhanthang	79. Pu Chinglen	80. Miss Chinhaunieng
81. Upa P. K. Soia	82. Pu Goukhai	83. Pi Niangkhanmang	84. Evan. Retd. G.L. Joshya
85. Pi S. Chingkhanmang	86. (L) Pu Vumchinkhup	87. Upa Khaihenthang	88. Upa T. C. Pau
89. Upa Nengchinkap	90. (L) Upa Jamkhongam	91. Upa HT Manga	92. Mrs. Vahkholhing
93. Pu Hauliankap	94. Pi Chinnu	95. (L) Upa Ngulzakhai	96. (L) Upa T. Gougin
97. Pu Ginsuanhau	98. Upa (L) Langminthang	99. (L) Rev. David K.Samte	100. Upa T.S.K. Samte
101. Upa S.K. Khama	102. Pu Jamkhopao	103. Pu Thatang Taithul	104. Pu Kamkhanpau
105. Bhim Prasad Ghatani	106. Rev. M. Kapsuanthang	107. Nu Chingneikim	108. Rev. Khupkhanpau
109. Pi Mannuamching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu T. Kuppa	114. Rev. (L) Mangsuanthang	115. (L) Pu Lamchinhau	116. Upa Pauchinlel
117. Nu Kimneihoi	118. Upa Kamgenpau	119. Nh. Niangsuannuam	120. Nu Ngaikhanvung
121. Pu P. Sanjiv Zou	122. Upa M. Kaichinkham	123. Upa T. Sianchinpau	124. Upa Sianzahau
125. Pu L. Thenkhosoi	126. Pu Kamsuanhang	127. Upa Th. Kaikholam	128. Upa Lunchinthang
129. Pu P. Tongthang Zou	130. H. Nehzamang	131. Pu Thangsuankhup	132. Upa M. Kamzadou
133. Pu Jamkholian Munluo	134. Pu Sianzakhai		

LIFE MEMBER-TE

01. Upa (L) T. Khupkhenpau	02. (L) Pu M. Ginzahau	03. (L) Pu Seizapau
04. Pu L.C. Pautungnung	05. (L) Pi Khamkhanneiang	06. Pi Ngainuom
07. Pu Chinsuanthang	08. Upa Shanti Kumar	09. Pu Kamkhohau
10. (L) Pu Khamkhohau	11. Upa Khamzathang	12. Upa Chinkhanthang
13. Pu Tongzathang	14. Pi Chiinneilam	15. Upa Kulthang
16. H/Sm. Upa Kaichinpau	17. Pi Niangzalam	18. Upa P. Doukholun
19. Pu Kapminlian	18. Upa Thanginsuan	

Undelivered

Please return to:

The Editor

KHRIŒTIAN TANGKOU
ZPCS Office, Zomi Colony
Churachandpur - 795 128
P.O. Box - 48, Manipur, India
Synod Office Telephone No. (03874) 235105
Website: zousynod.org | email:info@zousynod.org
zpcs@rediffmail.com/zousynod05@gmail.com

To,
